

Dienelkander



Nuusbrief van die Gereformeerde Kerk Potchefstroom-Oos

25 Januarie 2015

OGGENDDIENS: Ds Karel

Skriflesing: Romeine 7:7 - 8:4

Teks: Romeine 8: 1

Tema: Ontdek opnuut die rykdom wat jy in Christus het!

Rykdom is iets waarna elkeen van ons verlang - net so bietjie meer om so bietjie meer te kan doen. Tog is daar vir ons `n besonderse rykdom in Jesus Christus! Oor die volgende paar weke gaan ons stilstaan by Romeine 8 en hoor watter rykdom daar vir ons in Christus Jesus is en wat hierdie rykdom beteken. Vandag is dit egter nodig dat ons ons opnuut net weer besef **dat** ons `n heerlike, wonderlike rykdom in Jesus Christus het - `n rykdom wat niemand van ons kan wegneem nie!

Vooraf sang

Lied 177: 1

Ontmoetingsdiens

Intreelied: Lied 175: 1; Votum; Seën; Loflied Ps. 145-1: 1, 5, 11, 12; Geloofsbelijdenis HK Sondag 21, v/a 56; Sing Sb. 12-5:1

Verootmoedigingsdiens

Wet: Romeine 3: 9-20; Sing Ps. 62-2: 4, 5; Vryspreek: Romeine 3: 21-28; Sing Ps. 31-1: 1, 5, 17; Gebed

Woorddiens

Skriflesing; Sing Sb. 1-3: 1, 2 (Melodie: Aurelia; O Christus, ons verlange); Woordverkondiging

Antwoorddiens

Gebed; Liefdegawes; Gebed vir Bediening na Buite; Sing Lied 245: 1, 2, 3; Seën; Amenlied Sb 13-2.

AANDDIENS: Ds Piet

Skriflesing: Psalm 23

Teks: Psalm 23: 3

Tema: Volg jou Herder sodat jy reg kan lewe tot sy eer.

Ons het alreeds die volgende uit Psalm 23 geleer:

Vers 1: Ons Herder sorg vir alles, ons sal niks nodig hê nie.

Hier het die klem gevallen op ons dapper en sterk Herder wat in staat is om sy kudde te versorg met alles wat ons nodig het en dat ons tevrede moet wees met sy versorging.

Vers 2: Vertrou op die goeie leiding van God, jou Herder.

Ons Herder se sorg hou ook in dat Hy ons lei na waters van rus en groen weivelde. Ons kan dus verseker wees van die rus en geestelike voeding wat God voorsien. Wanneer die rus verdwyn en die skape honger word, kan ons eenvoudig vertrou op die Herder wat die pad na die volgende rusplek ken.

Vers 3 sluit nou aan by hierdie waters van rus en geestelike voeding wat God gee, maar hier val die klem op ons

gehoorsaamheid aan die stem van ons Herder en om Hom te volg sodat ons reg kan lewe. Hier gaan dit om die Herder wat die afgedwaalde skaap kom soek en teruglei op die regte pad. Hierdie lewe van heiligmaking gaan egter nie om ons nie, maar om die eer van God.

Kom ons volg ons Herder ook op hierdie eervolle pad.

Vooraf sang

Ps. 110-3: 1, 3 en Ps. 95-1: 1, 2

Ontmoetingsdiens

Intreelied: Ps. 119-1: 63; Votum; Seën;
Loflied: Ps. 32-1: 1, 4, 6; Gebed

Woorddiens

Skriflesing; Sing Sb. 12-6: 1, 2, 3, 4, 5;
Woordverkondiging

Antwoorddiens

Gebed; Liefdegawes; Gebed vir BnB; Sing
Lied 577: 1, 2; Seen uit Heb 13: 20 en 21;
Sing Sb 13-3.

MEELEWING

- Ina Jordaan (Groep 38 - 082 375 7666) se heupvervangingsoperasie het goed afgeloop in Randfontein.
- Ina v Wyk (Groep 38 - 079 842 2535) se knievervangingsoperasie het ook goed afgeloop en sy sterk nog aan in Medi-Kliniek.
- Christien Lourens (Groep 42 - 076 956 6571) se toestand het gestabiliseer en sy word nou in Medi-Kliniek se ISE behandel vir Guillain Barre sindroom.
- Helena van der Westhuizen (Groep 43 - 083 230 4598) se toestand het so bietjie gestabiliseer en sy rus tans in vriende se huis aan die Natalse kus.
- Tannie Laura Opperman (Groep 26 - 076 978 3999) sterk mooi aan nadat sy haar been gebreek het. Sy word tans in die Huis Anna Viljoen se siekeboeg versorg.
- Tannie Adrie de Kock (Groep 26 - 082

921 5862) het geval en na hospitalisasie en toetse is bevind dat sy bloedwanbalanse het. Sy is tans by haar kinders om aan te sterk, maar die herstelproses is stadig. Sy wag vir 'n plek in Huis Anna Viljoen.

- Oom Tjaart Snyman (Groep 14 - 083 543 0526) het geval en sy regterheup gebreek terwyl hy nog aansterk na 'n vorige linkerheupvervanging. Hy sterk tuis aan.
- Stefanie Bredenhann (Groep 12 - 082 257 1350) het 'n galblaasoperasie ondergaan en sterk tuis aan.
- Carolina Sharpley (Groep 12 - 076 199 8769) ervaar ruggyn en ander gesondheidsprobleme en was in Medi-Kliniek opgneem vir toetse en behandeling.
- Elna Visagie (Groep 45 - 082 329 5450) ervaar tans baie gesondheidsprobleme en ondergaan behandeling.

Ons bid dat die Here spoedig beterskap en herstel sal gee.

BAIE GELUK

Niekie en Gina van der Walt (Groep 11 - 084 601 3235) se tweeling, Nicolas en Amia, is Vrydag gebore. Baie geluk! Ons is saam met julle dankbaar en bly!.

ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID

Sr Sannie Reyneke, sr Filina Coetsee, sr Marianne Kruger, sr Bettie Ras, sr Janet vd Walt, sr Hester Buys en sr Helena vd Westhuizen.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir:

siekies@oosdoppers.co.za

Anna Smith (083 765 9813)

Lou en Magdaleen Venter (082 566 5879)

ONS GROET

- Johnna, Annamarie, John en Annerie Kruger vertrek met attes na Die Bult.
- Roelf en Elsa Geldenhuis het met attestaat vertrek na die Geref Kerk Randburg.

AFKONDIGINGS

Die volgende aktiwiteite vind DV hierdie week plaas:

Vandag

09:00 Gebedsgroep

09:30 Oggenddiens

Tee en Koffie

Kleuterbediening

Katkisasié - 1

18:00 Aanddiens

Maandag

16:30 Katkisasié Gr 8 (gr 9 skuif na Woensdagmiddag)

17:15 Katkisasié Gr 11

18:30 Bedieningsdiensgroep

Dinsdag

06:00 Manne Ondersteuningsgroep

18:00 Groepsusters vergader

18:00 Gholfdag

Woensdag

17:15 Katkisasié Gr 9 en 10

18:30 Diakonie diensgroepe

19:00 Bybelstudie: Klipdrif

Sondag

18:00 Kleingroepbedieninge

19:00 Terugvoer oor sinode (kerkgebou)

VERJAARSDAE

Baie geluk aan almal wat DV hierdie week verjaar!

Sondag, 25 Januarie

Jbr Ryno Schutte 082 373 1519

Maandag, 26 Januarie

Jbr Christian Turkstra 018 290 5566

Br Isak vd Walt (86) 082 703 1874

Dinsdag, 27 Januarie

Jbr Roelf de Bruyn	082 921 5862
Sr Adrie de Kock (83)	083 293 2928
Sr Tanja de Vos	081 212 4411
Jsr Mia v Jaarsveld	

Woensdag, 28 Januarie

Br Louis Botha	082 395 3744
Sr Martsie Robbertse	082 374 6065

Donderdag, 29 Januarie

Br Gideon Coetzee	082 927 0936
Br Frikkie Smith	079 879 2052

Vrydag, 30 Januarie

Sr Ina Potgieter	083 987 0648
Jsr Ihantè Rheeder	082 386 9398

ANDER AFKONDIGINGS

- Liefdegawe vanoggend vir Barmhartigheid.
- Gawe by die deure vanoggend vir GKSA Sustentasie.
- Gawe volgende Sondag vir Topia.
- Vrywillige bydrae vir voertuigsekuriteit in die bussies by deure.
- Diensbeurte: Groep 21 en 22.

TERUGVOER OOR SINODE 2015

Ds Piet gaan volgende Sondagaand om 19:00 in die kerkgebou volledige terugvoer gee oor die pas afgelope sinode en die besluite wat daar geneem is. Daar sal ook ruim geleentheid wees vir vrae en bespreking.

SAKE RAKENDE ONS GEMEENTE SE FINANSIES

- Ons herinner lidmate wat nog nie hulle beloofde Dankoffervorms vir die 2015 - 2016 begroting ingehandig het nie, om dit asseblief so spoedig moontlik te doen. Indien u nog nie 'n vorm ontvang het nie skakel met u ouderling en in geval van 'n vakante groep, kontak vir Adele in die kerkkantoor.
- Spesiale fonds vir die Skuurdak se herstel. Ons is dankbaar vir sovele

lidmate wat reeds tot die Skuurdakfonds bygedra het. Die effek van die waterskade van baie jare sien ons ook nou in die ingangsportaal se plafonne wat uitval. Die Eiendom Diensgroep is besig om aandag aan die saak te gee. **Indien daar nog lidmate is wat 'n spesiale bydrae kan maak vir die noodsaaklike instandhoudingswerk - waarvoor ons nie kon begroot nie - sal dit kerkraad dit baie waardeer.** U kan elektronies of per koevert in die kluis bydrae. Merk net u bydrae "Skuurdakfonds".

HULP GESOEK VIR JEUG-GERIGDE EREDIENS

Die Kerkraad het einde verlede jaar besluit dat ons van hierdie jaar af een keer per kwartaal 'n jeug-gerigde erediens gaan hou. Hierdie besluit het gespruit uit die feit dat die jeugfokusse nie só suksesvol was soos ons as kerkraad gehoop het nie. Wat hierdie jeug-gerigde eredienste gaan behels is dat daar in die gewone liturgie van ons eredienste geleentheid gegee gaan word vir 'n lidmaat om met die kleuters, peuters en vroeë laerskoolkinders 'n Bybelverhaal op hullevlak te deel. Hierdie Bybelverhaal sal aansluit by die prediking van die dag. Die taal en styl van die prediking gaan weer gerig wees op die laat laer- en hoërskooljeug in ons gemeente. Die eerste jeug-gerigde erediens word beplan vir 8 Maart 2015.

Ons benodig egter 'n lidmaat met hierdie besonderse gawe om met die klein kindertjies te werk en 'n Bybelverhaal met hulle te deel. Indien jy geroepe voel en graag hiermee wil help, kontak asseblief vir ds. Karel.

KENNISGEWINGBORD

- Kamer in huis te huur (Ina v Wyk - 079 842 2535)
- Kunsklasse vir oud en jonk

GESOEK: GELEENTHEID NA D'KAR, BOTSWANA

Die mense van D'Kar maak krale van volstruiseierdoppe. Ons het 'n klompie doppe bymekaar gemaak en soek 'n geleentheid om dit na D'Kar te stuur.

Vra asb vriende op FB en laat weet vir Koot vd Walt indien iemand in daardie rigting gaan en bereid is om ons te help.

Dankie,

Koot vd Walt (079 395 2789)

KERKKAMP: 13 - 15 MAART

Lieve gemeente,

Daar is min dinge wat só lekker en só opbouend is soos 'n goeie kamp saam met geloofs familie. Hierdie jaar hou ons weer 'n gemeente kamp. Hierdie kamp vind plaas op die naweek van **13-16 Maart 2015** by die Smilin' Thru oord, 10km vanaf Parys. Die verblyfkostes vir die naweek (Vrydag tot Sondag) lyk soos volg:

African Village:

1-2 persone – R 700

Chalets:

1-4 persone – R 1 580

Cottages:

1-4 persone – R 1 580

Tente/Karavane

1-4 persone – R 760

R 140 per persoon ekstra

Ons wil egter alle besprekings reeds teen 10 Februarie 2014 doen om te verseker dat ons genoeg plekke vir almal kry. Daarom vra ons vriendelik dat u so gou as moontlik u verblyf by Anna Smit bespreek deur 'n bewys van betaling, u verblyfsopsie en aantal persone te e-pos na rdagroupsa@gmail.com. Let asb daarop dat geen bespreking gedoen sal word sonder 'n bewys van betaling.

Gelde moet daarom verkieslik in die gemeente se rekening inbetaal word. Gebruik asseblief die volgende verwysing: Naam+Van+Kamp2015.

Ongelukkig kan geen fondse terugbetaal word in die geval van 'n kansellasie nie. Verdere reëlings rakende die kos en die naweekprogram sal vroeg in Februarie bekendgemaak word

GHOLFDAG, 20 FEBRUARIE

Ons jaarlikse Gholfdag vind plaas op Vrydag, 20 Februarie by die Potchefstroomse-Gholfklub.

Ons nooi al die gholfers uit om 'n span bymekaar te maak en in te skryf as 4-bal. 'n 4-bal beloop R1400-00 ((R350 p/p) en die spel formaat is BB Scrambledrive. Groot vleispryse kan gewen word!

Ons benodig ook Putjieborge @ R500 p/putjie waar u besigheid goeie bemarkingsblootstelling kan kry.

Kontak gerus een van die persone indien u met iets kan help, as 'n borg wil optree of 'n 4-bal wil inskryf:

Willie de Kock - 083 461 2318

Ryan Bezuidenhout - 082 464 6310

Rieëtte Venter - 082 898 4197

Adéle Delport - 082 532 8658

KENELKANDER

Ons herinner u om asb u naam op die bestellys vir die Kenelkander te plaas indien u graag die jaar een wil hê. Omdat die drukkostes so hoog is, sal ons net op bestellings werk.

BEROEPENUUS

BEROEPE ONTVANG

- Proponent J-L Coetzer [Jan-Louis] na Postmasburg.
- Proponent FR Pretorius [Franscois] na Phalaborwa.
- Proponent EJ van Jaarsveld [Janré] na Tsumeb.

BEROEPE AANVAAR

- Proponent J-L Coetzer [Jan-Louis] na Postmasburg.

- Proponent AJ Dednam [Anton] na Andeon/Bergsig as medeleraar.
- Proponent JG Tredoux [Jacques] na Dendron/Magalakwin-kombinasie.

BEROEPE BEDANK

- Proponent J-L Coetzer [Jan-Louis] na Tsumeb.
- Ds C Jooste [Christiaan] van Wonderboompoort na Phalaborwa.
- Ds HC van Rooy [Charl] van Randburg na Bloemfontein-Suid.

BAIE DANKIE AAN ONS BORG VAN DIE WEEK!



Sanet Ras Prokureurs

OPSTEL VAN TESTAMENTE.

BEREDDERING VAN BOEDELS.

ALLE EIENDOMSTRANSAKSIES.

Van Riebeeckstraat 101, Potchefstroom
Tel: (018) 294-8953 k/u

Susters



WELKOM TERUG AAN AL ONS SUSTERS

Dit is lekker om almal weer te sien na die vakansie en ons sien met groot opgewondenheid uit na die nuwe jaar met nuwe geleenthede wat die Here ons weer gee om in sy kerk te woel en werskaf!

Vanaf die bestuurstafel rig ons ook 'n versoek aan ons susters, ons benodig 'n paar groepsusters en ook 'n tesouriere om die susters se finansies te bestuur. Kom praat gerus met Rieëtte Venter (082 898 4197) indien jy betrokke wil raak.

TEESINKGELEENTHEID

Tee word vandag in die Skuur bedien onder die leiding van groep 14, Erika Rood (groep 43) en Magdaleen Venter (groep 45).

Baie dankie aan die groepsusters en hul groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

OOSDOPPER RESEPTEBOEK

Ons gewilde Oosdopper Resepteboek verkoop baie goed. Die resepteboek bevat beproefde resepte vanuit ons eie gemeente. Die fondse wat met hierdie resepteboek geïn, word geskenk aan CANSA. Die resepteboek is steeds teen R60.00 te koop by die kerkkantoor. Vir enige navrae, kontak gerus Marilise Styger, Susan Steyn of Rieëtte Venter.

SUSTERSAAMTREK – SATERDAG 7 MAART 2015

"Julle is die sout vir die aarde ... lig vir die wêreld" (Matt 5:13-14)

Die susters van die Gereformeerde Kerk Potchefstroom-Suid nooi ons graag uit na die jaar se Sustersaamtrek, DV op 7 Maart 2015.

Spreker: Prof. Sarel vd Walt

Plek: Administratiewe Buro - Sinode Saal

Tyd: 8:45 vir 9:00

Kostes: R115 p/persoon asook 'n kollekte vir Bybelverspreiding en Die Vroueblad.

Besprekingslys in die Skuur - besprekings en betaling van registrasie gelde sluit 12 Februarie 2015.

BELANGRIKE DATUMS DIE MAAND

27 Januarie - 18:00 **Groepsusters** in die Skuur